

REFERAT MAA - Meeqqanut Atuarfeqarnermullu Ataatsimiititaq d. 03-12-2019

Mødedato Tirsdag d. 03. december 2019 kl. 19:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Kvartalimut ilisimatitsissut - Peqqinnermut Susassaqartitsinermullu Immikkoortortaqarfik.....	7
Aalajangiiffigisassat.....	10
Kommuneqarfik Sermersuumi ukiumut atuarfiusumut 2019 - 2020-mut atuangiffeqarfissatut siunr	11
Suliat Aningaasaqarnermut Inuussutissarsiornermullu Ataatsimiititamut.....	14
Tasiilami meeraaqqerivimmik pilersitsinissaq.....	15
Qinngutsinni inuusuttunut klubbimik pilersitsisoqarnissaa.....	19
Sunngiffimmi atuartitsineq 2019 – 2020.....	25
Meeqqanut Atuarfeqarnermullu Ataatsimiititap angalaneranit nalunaarussiaq.....	28
Taasariaqartut allat.....	31
Suliaq matoqqasoq.....	32
Lukket.....	33
Imaqarniliap akuerineqarnera.....	34

Punkt 0: Saqqaa

Ilaasortat

Michael Rosing (Sam), siulittaasoq.

Henrik Rachlev (IA)

Rasmine Geisler (IA)

Uju Petersen (IA)

Thiiooq Knudsen (S)

Beslutning

Najuuttut: Michael Rosing (IA), Uju Petersen (IA), Rasmine geisler (IA) aamma Thiiooq Knudsen (S)

Oqarasuaatikku: Henrik Rachlev (IA)

Punkt 1: Oqaluserisassat akuerineqarneri

Beslutning

Oqaluserisassat akuerineqarput.

Punkt 2: Nalunaarutit

Siulittaasumit nalunaarutit

Beslutning

Soqanngilaq

Punkt 3: Ilisimatitsissutit

Punkt 03A: Kvartalimut ilisimatitsissut - Peqqinnermut Susasaqartitsinermullu Immikkoortortaqarfik

Beslutning

Ilisimatitsisut tusaatissatut tiguneqarpoq.

Bilag

2019-imi kvartalip aappaannut ilisimatitsissutit katiterneqarnerat

2019-imi kvartali pingajuannut ilisimatitsissutit katiterneqarnerat

Kvartalimut ilisimatitsissut - Peqqinnermut Susassaqartitsinermullu Immikkoortortaarfik

2019-imi kvartalip aappaat aamma pingajuat

Ilisimatitsissut

J.nr.: 55.00

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Peqqinnermut Susassaqartitsinermullu Immikkoortortaarfiup 2019-imi kvartalit aappaanni kiisalu kvartalip pingajuanni anguniakkatut angusimasat katitersimalerpai. Kvartalikkuaartumik ilisimatitsissutit Meeqqanut Atuarfeqarnermullu Ataatsimiititamut ilisimatitsissutit ingerlateqqinneqarput.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- ilisimatitsissut Meeqqanut Atuarfeqarnermullu Ataatsimiititamit tusaatissatut tiguneqassasoq

Suliassamik saqqummiussineq

Peqqinnermut Susassaqartitsinermullu Immikkoortortaarfimmu 2019-imi aappaannut pingajuannullu kvartalikkaartumik nalilersuineq. Peqqinnermut Susassaqartitsinermullu Immikkoortortaarfik Paamiuni, Tasiilami Ittoqqortoormiini immikkoortortaarpoq, kiisalu Sermersooq Nipilersornermik Ilinniarfimmik aamma Naluttarfik Malimmik immikkoortortaarluni.

2019-imi kvartalit aappaat – aprili, maaji aamma juuni

Immikkoortortaarfiup 2019-imi kvartalip aappaanni innuttaasunut sammisassaqartitsiniutai tassaapput:

- Ittoqqortoormiini meeqqanut inuusuttunullu qimussertitsineq Meeqqat inuusuttullu, meeqqat allat peqatigalugit, Aappaerisaarimut uterlugulu qimussernermik misiliinissamut periarfissinneqarput.
- Meeqqat ulluat illoqarfinni tamani malunnartinniarnearpoq.
- Naluttarfik Malimmik assigiinngitsutigut nalunnermik sammisaqartitsinerit, tassunga ilanngullugit meeqqanut tulluarsakkamik annaassiniartarneq sammitinneqarpoq.
- Tasiilami ilaqutariinnut timersortitsineq ingerlanneqarpoq, tassani ilaqutariit 12-it peqataapput.
- Namminneq kajumissutsiminnik suliaqartunut peqatigiiffinnillu unnussiuartitsineq.
- Aasaanerani sammisassaqartitsinerit assigiinngitsut aallartinneqarput.

Kvartalit pingajuat 2019 – juuli, aggusti septembarilu

- Nipilersornermik Ilinniarfik Atuarfik Samuel Kleinschmidtik suleqateqarnera. Atuartut qarlortaait pillugit ilisimasaqarnerulernissaat suleqatigiinnermi anguniagaavoq.
- Atuartut atuangiffeqarneranni aaqqissuussat: Ujaqqat atorlugit eqqumiitsuliorneq, Kunst med sten, 4. - 7. klassinut sanatitsineq, klasse Isiginnaagassialeriffik, arsaattarfimmi aporfissalersuilluni timersorneq il.il.
- Allagartarsualersuineramik suliniut Pisutta aamma Suliniut Majuarta.
- Paamiuni ilaqutariinnik stafettimik arpatitsineq

Kvartalit aappaanni pingajuannilu sammisassaqaqtitsissutit aaqqissuussallu sinneri ilanngussami "Peqqinnermut Susassaqaqtitsinermullu Immikkoortortaqaqarfimmi 2019-imi kvartalit aappaanni pingajuannilu ilisimatitsissutit katiterneqarnerat" atuakkit.

Aaqqiissutissatut siunnersuut – suliatigut naliliineq
Peqqinnermut Susassaqaqtitsinermullu Immikkoortortaqaqarfiup kvartalini marlunni angusimasat naammagisimaarpai, taamaattoq anguniakkat innuttaasut pisariaqaqtitaannut naapertuuttunngorlugit inerisaaneq aallutiinnarniarlugu, Suleqatigiinnissamik isumaqatigiisummi anguniakkat innersuussutugalugit.

Aningaasatigut sulisoqarnikkullu naliliinerit
Soqanngilaq

Inatsisitigut tunngavissaq allakkallu tunngaviusumik uppersaatitalit
Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr. 5, 6. juni 2016-imeersoq
Inuuneritta II
Susassaqaqtitsineq aamma kulturikut anguniakkat pillugit MA-mut suleqatigiinnissamut isumaqatigiisummi anguniakkat.

Ingerlariaqqinnissaq
Kvartalikkuutaartumik nalilersuinerit ilisimatitsissutit Peqqinnermut Susassaqaqtitsinermullu Immikkoortortaqaqarfimmit Meeqqanut Atuarfeqaqarnermullu Ataatsimiititamut ataavartumik nassiunneqartarput.

Aningaasaqarnermut Allatseqarfimmit oqaaseqaatit
Aningaasaqarnermut Allatseqarfimmit oqaaseqaqtitsisoqarsimanngilaq.

Innuttaasunik peqataatitsineq/attaveqaqatigiinneq
Soqanngilaq

Ingerlatsivinnit allaniit oqaaseqaatigineqartut
Soqanngilaq

Ilanngussat

1. 2019-imi kvartalip aappaannut ilisimatitsissutit katiterneqarnerat
2. 2019-imi kvartali pingajuannut ilisimatitsissutit katiterneqarnerat

Punkt 4: Aalajangiiffigisassat

Beslutning

Punkt 04A: Kommuneqarfik Sermersuumi ukiumut atuarfiusumut 2019 - 2020-mut atuangiffeqarfissatut siunnersuutit

Beslutning

Inassuteqaat akuerineqarpoq.

Bilag

Bilag 1 Nuummi Atuarfiit 2019-2020.docx

Bilag 2 Qeqertarsuatsiaat atuarfianni 2019-2020.docx

Bilag 3 Kapisillit Atuarfianni 2019-2020.docx

Bilag 4 Atuarfik Tuiisaaq 2019-2020.docx

Bilag 5 Arsuup Atuarfiani 2019-2020.docx

Bilag 6 Tasiilami Alivarpimi 2019-2020.docx

Bilag 7 Kuummiini Alivarpimi 2019-2020.docx

Bilag 8 Kulusumi Alivarpimi 2019-2020.docx

Bilag 9 Tiilerilaap Alivarpimmii 20189-2020.docx

Bilag 10 Isertup Alivarpiani 2019-2020.docx

Bilag 11 Sermiligaap Alivarpiani 2019-2020.docx

Bilag 12 Ejnar Mikkelsenila Aluarpia-ni 2019-2020.docx

Kommuneqarfik Sermersuumi ukiumut atuarfiusumut 2019 – 2020-mut atuanggifteqarfissatut siunnersuutit

Illoqarfinni nunaqarfinnilu atuarfinnut tamanut.

Aalajangiiffigisassaq

J.nr. 51.08.02

Meeqqanut Atuarfeqarnermullu Ingerlatsivik - Pisortaq Helene Berthelsen / HEBE

Suliassamik eqikkaaneq

Meeqqanut Atuarfeqarnermullu Ingerlatsiviup Kommuneqarfik Sermersuumi atuarfiit atuanggifteqarfiunissaannik siunnersuutaa atuarfinni siulersuisunut atuarfinnullu tamanut tusarniaassutigalugu nassiuuneqarnikuuvoq.

Siunnersuummi atuanggifteqarnissamat pilersaarutit pillugit Namminersorlutik Oqartussat malittarisassaat atuuttut aallaavigineqarput.

Inassuteqaat

Meeqqanut Atuarfeqarnermullu Ingerlatsiviup, Meeqqanut Atuarfeqarnermullu Ataatsimiititamat inassuteqaatigaa:

- ataatsimiititap Kommuneqarfik Sermersuumi illoqarfinni nunaqarfinnilu atuarfinni ukiumut atuarfiusumut 2019 – 2020-mut atuanggifteqarfissatut pilersaarutit akuersissutigissagai.

Suliassamik saqqummiussineq

Meeqqanut Atuarfeqarnermullu Ingerlatsivik Kommuneqarfik Sermersuumi atuarfinnut atuanggifteqarfissatut pilersaarutinik suliaqarnikuuvoq. Siunnersuutit atuarfinnut siulersuisunut atuarfinnullu tamanut tusarniaassutigalugit nassiuuneqarnikuupput. Siunnersuummi atuanggifteqarnissamat pilersaarutit pillugit Namminersorlutik Oqartussat malittarisassaat atuuttut aallaavigineqarput.

Aaqqiissutissatut siunnersuut – suliatigut naliliineq

Atuarfiit ataatsimoortumik susassaqarfiusussanut piffissaliussanik namminneq siunnersuuteqarnikuupput:

Nuup illoqarfiani atuarfiit kissaatiginikuuat, juullerpaluttunik qiortaatitsinissaq arfininngornikkut ingerlanneqassasoq.

Qeqertarsuatsiaani nunaqarfiup atuarfiata kissaatiginikuuua, arpatsitsinissaq juullerpaluttunillu qiortaatitsinissaq arfininngornikkut ingerlanneqassasut. Atuartut ukiaanerani piffissami septembarip 23-aniit 27-anut 2019-imut atuanggifteqassasut aammalu piffissami decembarip 23-ani 2019-imiit januaarip arfernata 2020-p tungaanut ilanngullugu juullimut atuanggifteqassasut. Ukiukkut atuanggifteqarfissat tassunga ilanngunneqarput.

Kapisilinni nunaqarfiup atuarfiata kissaatiginikuuua Nuup illoqarfiani atuarfiit atuanggifteqarfissatut pilersaarutaat siulliit malinneqassasut aammalu juullerpaluttunik qiortaatitsinissaq arfininngornikkut ingerlanneqassasoq.

Paamiuni atuarfiup, Atuarfik Tuiisaaq kissaatiginikuuua juullerpaluttunik qiortaatitsineq sisorarfissiornerlu arfininngornikkut ingerlanneqartassasut.

Arsummi atuarfiup kissaaginikuuua juullerpaluttunik qiortaatitsineq, sisorarfissiorneq arpatitsinerlu arfininngornikkut ingerlanneqartassasut.

Tasiilami atuarfiup kissaatiginikuuaa arpatsineq, juullerpaluttunik qiortaatsineq, sisorarfissiorneq aammalu ukiukkut timersuutunik ingerlatsinerit arfininngornermi ataatsimi ingerlanneqartassasut.

Kuummiini atuarfiup kissaatiginikuuaa, arpatsitsineq, juullerpaluttunik qiortaaneq, sisorarfissiorneq ukiukkullu sisorarneq arfininngornikkut ingerlanneqartassasut.

Kulusummi atuarfiup kissaatiginikuuaa, nunianneq, arpatsitsineq, sisorarfissiorneq ukiukkullu sisorarneq arfininngornikkut ingerlanneqartassasut.

Tiilerilaami atuarfiup kissaatiginikuuaa arpatsitsineq, nunianneq, sisorarfissiorneq sisorarnerlu arfininngornikkut ingerlanneqartassasut.

Isertumi atuarfiup kissaatiginikuuaa, arpatsitsineq, juullerpaluttunik qiortaaneq, sisorarfissiorneq atuartullu sisoqqannissaat arfininngornikkut ingerlanneqartassasut.

Sermiligaami atuarfiup kissaatiginikuuaa, arpatsitsineq, juullerpaluttunik qiortaaneq sisorarfissiornerlu arfininngornikkut ingerlanneqartassasut.

Ittoqqortoormiini atuarfiup kissaatiginikuuaa, arpatsitsineq sisorarfissiornerlu arfininngornikkut ingerlanneqartassasut, ukiaanerani atuanggiffeqarneq sapaatip akunneranik ataatsimik sivitsorneqassasoq, ukiukkut atuanggiffeqarneq marsimut nuutinneqassasoq umimmanniarnaq pissutigalugu aammalu poorsikimi atuanggiffeqarneq sivikillineqassasoq sapaassuarnut ilanngullugu atuanggiffiusussanngorlugu.

Aningaasatigut sulisoqarnikkullu naliliinerit
Soqanngilaq.

Inatsisitigut tunngavissaq allakkallu tunngaviusumik uppernarsaatitallit
Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq
Atuarfimmi atuartut atuanggiffeqartarnerisa pilersaarusionerat pillugu Namminersornerullutik
Oqartussat nalunaarutaat nr. 4, 5. marts 2003-meersoq

Ingerlariaqqinnissaq
Ataatsimiititap inassuteqaat akuerissappagu, Aningaasaqarnermut Inuusutissarsiornermullu
Ataatsimiititamut Kommunalbestyrelsimullu ilisimatitsissutitut ingerlateqqinneqassaaq.

Aningaasaqarnermut Allatseqarfimmit oqaaseqaatit
Aningaasaqarnermut Allatseqarfimmit oqaaseqartitsisoqarsimanngilaq.

Ilanngussat

1. 1-12 Ukiumut atuarfiusumut 2019 – 2020 atuarfinnut tamanut atuanggiffeqarfissat.

**Punkt 5: Suliat Aningaasaqarnermut Inuussutissarsiornermullu
Ataatsimiititamut**

Punkt 05A: Tasiilami meeraaqqerivimmik pilersitsinissaq

Beslutning

Inassuteqaat akuerineqarpoq.

Tasiilami meeraaqqerivimmik pilersitsinissaq

Meeraaqqeriviusimasup "Amaagajaaq" ammaqinnissaa

Aalajangiiffigisassaq

J. nr.44.02.00

Meeqqanut Atuarfeqarnermullu Ingerlatsivik – Pisortaq Helene B. Berthelsen / HEBE

Suliassamik eqikkaaneq

Tasiilami meeraaqqerivinnut utaqqisunut allattorsimaffimmi allatsissimasut amerliartorput, maannakkut 35-it utaqqisutut allatsissimallutik. Utaqqisunut allattorsimaffimmi meeqqat allatsissimasut ikinnerulersinniarlugit, Meeqqanut Atuarfeqarnermullu Ingerlatsiviup meeraaqqerivik "Amaagajaaq" Tasiilami B-1094-miittoq, meeqqanut 24-inut inissaqartoq, ammaqinniarpaa.

Meeqqanut Atuarfeqarnermullu Ataatsimiititaq ulloq 05- novembari 2019 ataatsimiinnerani oqaasiinnakkut suliaq pillugu ilisimatinneqarput.

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq, kapitali 3, §12 naapertorlugu, meeqqeriviit tamarmik kommunalbestyrelsimit akuerineqartussaapput, taakkulu meeqqerivinnik nakkutilliisussaapput nakkutigissallugulu, akuersissutit tamakkerlugit pigineqarnersut, nutaamik meeqqeriviliortoqarpat, allannortitsisoqarpat allilerisoqarpallu taassuma atuutilinnginnerani. Kommunalbestyrelsip nakkutigissavaa meeqqeriviup qaqugukkulluunniit inatsisit atuuttut naapertorlugit aaqqissugaanissaa.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Tasiilami meeraaqqerivimmik pilersitsinissaq akuersissutigineqassasoq,
- Missingersuutit 2020-mut ukiunullu missingersuusiorfiusumut 2.006.500 kr-nik aningaasartallit MA-p missingersuutissaanni siullermik nassaarineqassasut
- Suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut saqqummiunneqassasoq
- Suliaq Isumaginninnermut Suliffeqarnermullu Ataatsimiitiamut ilisimatitsissutitut saqqummiunneqassasoq

Suliassamik saqqummiussineq

Tasiilami meeraaqqeriviusimasooq Amaagajaaq 2016-imi matuneqarmalli, meeraaqqerivimmut allatsissimasut amerliartorsimapput. Maannakkorpiaq meeraaqqerivimmut allatsissimasut 35-iupput, siorna 2018-imi allatsissimasut amerlaqataat. Kommuneqarfik Sermersuumi utaqqisut allattorsimaffii pillugit immikkut ilisimatitsisoqassaaq.

Utaqqisunut allattorsimaffimmi meeqqat allatsissimasut ikinnerulersinniarlugit, Meeqqanut Atuarfeqarnermullu Ingerlatsiviup meeraaqqerivik "Amaagajaaq" Tasiilami B-1094-miittoq, meeqqanut 24-inut inissaqartoq, ammaqinniarpaa.

Meeraaqqerivik illu B-1094-mi pilersinneqassaaq, taannalu ukiumik ataatsimik sivissussutilimmik katsorsaavittut Artsarner atorneqarpoq. Katsorsaanerup saniatigut illu Nammineqarsorlutik Oqartussaniit tarneq pissusaanik atorfeqartunit atorneqartarpoq.

Illu B 1094 siusinnerusukkat meeraaqqerivittut atorneqarnikuuvoq.

Aaqqiissutissatut siunnersuut – suliatigut naliliineq

Ukiuni kingullerni illu B1094 Katsorsaavittut atorneqarpoq, naliliisoqarporli Katsorsaaviup suliniutai allamut nuunneqarsinnaasut, kiisalu illup meeraaqqerivittut atorneqaruni naleqqunnerusoq. Maannakkut ininik allamik Artsarnerup suliniutaasa nuuffigisinnaasaanik ujarlertoqarpoq. Piffimmi pisortap oqaatigaa katersortarfimmi init arlaat ilaatigut suli atorneqarsinnaasut, kiisalu tarnip pissusaanik ilisimasallit sulinerminni kommunip allaffiani inissaqartinneqarsinnaasut. Tamakkulu pillugit Isumaginninnermut Suliffeqarnermullu Ingerlatsiviup Meeqqanut Atuarfeqarnermullu Ingerlatsivimmit illup atorneqarnissaa akuersaarpa.

Meeqqanut Atuarfeqarnermullu Ingerlatsiviup naatsorsuutigaa, meeraaqqerivik decembarip 2019 qeqqata missaani piariissasoq, apeqqutaassaarli atorfinnut qinnuteqartoqarsimanissaa.

Sulisut tassaassapput aqutsisumut tullersorti 1, perorsaasoq 1, isumaginninnermut peqqissutsimullu ikiortit 2, ikiortit 2, igaffimmioq ataaseq asaasorlu ataaseq. Meeraaqqerivimmi aqutsineq Dronning Ingridip meeqqeriviata ninguanit isumagineqassaaq.

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq, kapitali 3, §12 naapertorlugu, meeqqeriviit tamarmik kommunalbestyrelsimit akuerineqartussaapput, taakkulu meeqqerivinnik nakkutilliusussaapput nakkutigissallugulu, akuersissutit tamakkerlugit pigineqarnersut, nutsaamik meeqqeriviliortoqarpat, allannortitsisoqarpat allilerisoqarpallu taassuma atuutilinnginnerani. Kommunalbestyrelsip nakkutigissavaa meeqqeriviup qaqugukkulluunniit inatsisit atuuttut naapertorlugit aaqqissugaanissaa.

Sanarfinermut Avatangiisinullu Ingerlatsivimmut saaffiginnittoqarpoq illup qatserisartuniit akuerineqarnissaa pillugu, tamannalu ulloq 15. novembari 2019 qatserisartuniit akuersissut pineqarpoq.

Aningaasatigut sulisoqarnikkullu naliliinerit

Ukiuumoortumik missingersuutit 2020-miit ukiunullu missingersuusiorfiusunit atuutilersussat, ataani allassimanerisut agguataarneqassapput, immaqalu Meeqqanut Atuarfeqarnermullu Ingerlatsiviup missingersuutaannit nassaarineqarsinnaassallutik, kisiannili aningaasaliissutit akilerneqarnissaannut ingerlatsiviup ilassutitut aningaasaliiffigineqarnissamik qinnuteqaateqaratarsinnaanera sillimaffigineqassaaq.

Inatsisitigut tunngavissaq allakkallu tunngaviusumik uppemarsaatitallit

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-meersoq.

Ingerlariaqqinnissaq

Souschefitut, isumaginninnermut ikiortitut ikiortitullu atorfiit inuttassarsiuunneqarnerat allagarsiissutigineqareerpoq.

Aningaasaqarnermut Allatseqarfimmit oqaaseqaatit:

Aningaasaqarnermut Allatseqarfimmit Tasiilami meeraaqqeriviup pilersinneqaaqqinnissaanut suliniutit taperserpa. Naluneqanngilaq Tasiilami annertuumik inunnik isumaginninnerup tugaatigut unammillernartoqartoq. Siusinaartumik pinaveersaartitsinnermut pingaarutilittut tunngaviuvoq – meeqqat meeraaqqerivinnut inissinneqarnerat, taamaasinikkut immikkut pisariaqartitsisunut ikiorsiinissaq siusinaartumik pilersinneqarniassamat. Kommunip misilittagai malillugit, siusinaartumik ikorsiineq akikinnerusarpoq.

Isumaginninnermut Suliffeqarnermullu Ingerlatsivimmit oqaaseqaatit:

Illu B1094 ukioq ataatsip missaani katsorsaannermut atorneqarpoq. Katsorsaaviup pilersaarutaa malillugu takuneqarsinnaavoq, Namminersorlutik Oqartussaniit tarnip pissusaanik ilisimasallit sulinerannut, kiisalu katsorsaannermi suliaqartunit illu atorneqarnerusimasoq.

Kommuni katsorsaannermut atatillugu suleqatiminut arlalinnik pisussaaffeqarpoq, taamatullu katsorsaannermut atatillugu pikkorissarnernut ininik pikkorissarfissanik piareersimatitsinissaminut pisussaaffeqarluni. Allani ininik tunngavimmut atorluarneqarsinnaasunik neqeroortoqarsinnaappat, Isumaginninnermut Suliffeqarnermullu Ingerlatsivimmit Meeqqanut Atuarfeqarnermullu Ingerlatsiviup illup meeraaqqerivittut atornissaanut kissaateqarnera akuerivaa.

Taamaattoq oqaatigiumaneqarpoq atortut assigisaalu pillugit siammasissumik ataqatigiissaarnerusumillu eqqartuisoqarsimanissaq tulluarnerusimassagaluartoq.

Sanarfinermut Avatagiisinullu Ingerlatsivimmit oqaaseqaatit:

Meeqqanut anartarfiit ikkussorneqarput. Ulloq 15. novembari 2019 illu qatserisartunit akuersissutigineqarpoq.

Ilanngussat

Soqanngilaq

Punkt 05B: Qinngutsinni inuusuttunut klubbimik pilersitsisoqarnissaa

Beslutning

Inassuteqaat akuerineqarpoq.

Bilag

Bilag 1. Henvendesle fra Nuuk Lokaludvalg til Udvalg for Børn og Skole - KAL.pdf

Qinngutsinni inuusuttunut klubbimik pilersitsisoqarnissaa

Kommunalbestyrelsimut ilaasortap Randi Vestergaard Evaldsenip (D) aammalu Nuummi Najukkami Ataatsimiititaliap siunnersuutaat

Aalajangiiffigisassaq

J.nr.: 28.00.00-G01-41-19

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Meeqqanut Atuarfeqarnermullu Ingerlatsivik Qinngutsinni Inuusuttunut klubbimik pilersitsisoqarnissaa pillugu siunnersuutininik marlunnik tigusaqarpoq. Siunnersuutit marluk Kommunalbestyrelsimut ilaasortaasimasumit Randi Vestergaard Evaldsenimit aammalu Nuummi Najukkami Ataatsimiititaliamit nassiussaapput.

Meeqqanut Atuarfeqarnermullu Ingerlatsiviup siunnersuutigivaa, Qinngutsinni Miniklubbimi inini sunngiffimmi sammisasaqartitsivimmik ammaasoqassasoq, taamaasillunilu kommune ininik inuusuttunut klubbiliornissamat aningaasaliinissamat aningaasartuutissanik sipaaruteqassalluni. Tassungaa atatillugu Meeqqanut Atuarfeqarnermullu Ingerlatsivik immikkut ukiumut 3.300.000 kr-nik atorfissaqartitsivoq. Meeqqanut Atuarfeqarnermullu Ingerlatsivik nammineq missingersuutimi iluanni aningaasat nassaarisinnaanngimmagit, ilanngullugu ingerlatsiviup siunnersuutigaa, suliaq 2021-imut missingersuusiornissamat atatillugu oqaluuserisassanngorteqqinneqassasoq.

Inassuteqaatit

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Qinngutsinni inuusuttunut klubbimik pilersitsisoqarnissaanik Randi Vestergaard Evaldsenip aammalu Nuummi Najukkami Ataatsimiititaliap siunnersuutaat tunngavigalugu akuersissutigineqassasoq.
- Inuusuttunut klubbi maannakkut Miniklubbip initaani pilersinneqassasoq
- Suliaq 2021-imut missingersuusiornissamat atatillugu oqaluuserisassanngortinneqassasoq
- suliaq Aningaasaqarnermut Inuusutissarsiornermullu Ataatsimiititamut Kommunalbestyrelsimullu inaarutaasumik aalajangiiffigisassanngorlugu ingerlateqqinneqassasoq.

Suliassamik saqqummiussineq

Kommunalbestyrelsimut ilaasortaq Randi Vestergaard Evaldsen (D) aammalu Nuummi Najukkami Ataatsimiititaliamut ilaasortaq Arnarissaq Fleischer Qinngutsinni inuusuttut ornittagaqarnissaannik siunnersuuteqarnikuupput. Siunnersuuteqartut marluk oqaatigaat Qinngutsinni inuusuttut ornittaqarnisaat pisariaqartinneqartorujussuusoq, aammalu Najukkami Ataatsimiititaliaq aamma Randi Vestergaard Evaldsen Qinngutsinni najugalinnik arlalinnik saaffigineqartarsimasut. Randi Vestergaard Evaldsen-p siunnersuummut toqqammavilersuutai:

"Ullumikkut Nuummi illoqarfiup immikkoortui pingasuuapt, illoqarfik, Nuussuaq kiisalu Qinngorput. Qinngutsinniit Nuup illoqarfiata qeqqanut inuusuttut naapittarfiannut ungasippoq, taamatullu aamma Nussuarmut inuusuttut klubbinnut ungasilluni. Taamaattumik Qinngutsinni inuusuttunut klubbimik assigisaannilluunniit pisariaqartitsisoqartoq takusinnaavara. Immikkoortumi meeqqat inuusuttullu ilami oqartoqartalerpoq atuarfimmu iserniartalersimasut aserorteriartalersimallutik, annilaangassutigivaralu illoqarfiup ilaata alliarturnera ilutigalugu inuusuttut susassaaleqisut amerliartornerat malillugu tamanna annertusiartornissaa. Uani multiklubbi eqqarsaatigivara, kikkunnut tamanut inissaqartitsisoq. Arlaannik susassaqartitsinermut inissaqartitsissaaq, aasami ukiumilu, inuusuttunullu inissaqartitsilluni. Inuttaasut arlallit attaveqarfigivakka, annertusiartuinnartumik meeqqaminnut kissaateqartut, nalunngilaralu aamma Najukkami

ataatsimiititaq aamma taamatut eqqarsaateqartoq. Meeqqat inuusuttullu susassaqartinneqarnissaat pingaaruteqartuuvoq, meeqqat inuusuttullu peqqinnartunik sammisassaqartinneqarnissaat. Naalagaaffiit peqatigiit meeqqat piginnaatitaaffii pillugit isumaqatigiissutaat, Kalaallit Nunaanni 1993-imi atuutsinneqalersoq, malillugu taanna malittussaataavarput tamakkulu piviusunngortillugit. Uagut kommunitut akisussaaffeqarpugut. Artikel-it arlallit maani ilaapput. Immikkut qitiutinniagara tassaavoq artikel 31, taanna sunngiffeqarsinnaanermik, eqqissisimaarsinnaanermik aamma pinnguarsinnaanermik pisinnaatitaaffimmut tunngasuvoq. Tassani malitassaqarpugut, qujanartumillu inuusuttunut Nuummi Nuussuarmilu susassaqartitsivugut, massakkullu aamma Qinnqutsinni meeqqat inuusuttullu iliuuseqarfigineqarnissaat piffissanngorpoq.

Siunnersuut qanoq aningaasaliiffigineqassava?

"Inuusuttunut klubbimik sanaartorneq(pilersitsineq 2020-mut missingersuutini sallinngortinneqassaaq taassumalu ingerlanneqarnissaa tassani aammalu ukiuni tulliuuttuni missingersuusiorfiusunut ilanngunneqarluni."

Najukkami Ataatsimiititaliap siunnersuummut toqqammavilersuutai:

Nuummi Najukkami Ataatsimiititamit, Meeqqanut Atuarfeqarnermullu Ataatsimiititami ataatsimiinnissamut tullermut ullormut oqaluuserisassatut siunnersuutivut matumuuna nassiuppavut. Nuummi Najukkami Ataatsimiititaq Qinnqutsinni inuusuttunut illoqalernissaanik Meeqqanut Atuarfeqarnermullu Ataatsimiititami periarfissanik eqqartuisoqarnissaanik kissaateqarput, siunnersuullu kommunalbestyrelsimut ingerlateqqillugu.

Nuummi Najukkami Ataatsimiititaq innuttaasunit Qinnqutsinni najugaqartunit saaffiginnissutinik arlalinnik tigusaqarsimapput, taakku najugaqarfigisaminni meeqqanut inuusuttunullu sammisassanik periarfissaqannginnera eqqumaffigeqquaarput.

Najukkami ataatsimiititamut ilaasortap, Arnarissaq Fleischerip erseqqissarpaa:

"Meeqqat 500-t sinnerlugit AHL-imi atuartuupput. Atuarfik illoqarfimmi amerlanerpaanik atuartoqarpoq. Atuartunut minnernut Miniklubbeqarpoq, atuartunullu anginernut ornittagaqarani. Qinnqutsinnermiut meeqqat annerit atuarfiup silataani katersuuttarput, unnukkullu Brugsenip Pisiffiullu silataaniittarlutik. Aasaanerani arsaattarfiup eqqaaniittarput. Qujanartumillu suli aserorterinermik ajornartorsiuteqarnermik nalunaaruteqartoqarsimanngilaq, taamaakkaluartorli taama pisoqarnissaa utaqqiinnassanngilarput meeqqanut inuusuttunullu ornittakkamik sananissamut.

Uanga misigisimavara, meerarpassuit pingaartumik ukiuunerani angerlarsimasartut TV-spillerlutik. Tamannalu annertuallaalerpat soorunami ajornartorsiutinngussaaq, kisiannimi sulerissagaluaramik? Inuusuttavut isersimmaannarunnaarsittariaqarpavut, timimik atuissapput, nutaaliorlutik inunnullu akuliusimallutik.

Meeqqat angajoqqaavilu Qinnqutsinni najugallit oqaloqatigisartakkakka, unnukkut atoarenermiluunniit ataatsimoorfigisinnaasaminnik/sammisaqarfigisinnaasaminnik amigaateqarput.

Nuussuarmi Nuummiluunniit klubbit orninneqartarnissaat aaqqiissutitut innersuutigineqarsinnaagunarput, taamaattorli meeqqat inuusuttullu amerlasuut angerlarsimaffimminnit pisuinnarlutik ornissinnaasaminnik katersuuffeqarusupput avatangiisitik sungiusimasat toqqissisimaffigisallu najorlugit atuaqatitik ilagisartakkatilluunniit atuarfimmilu naapittakkatik ilagalugit.

Qinnqutsinni ornittagaq assersuutigalugu ima atorneqarsinnaavoq:

-Ilinniagasseriitigaluni cafétut, akunnerit marluk missaanni, sapaatip akunneranut ualinerani marloriarluni

-Assasornermik/nutaaliornermik/eqqumiitsuliornermik sullivittut sapaatip akunnerani ullormi aalajangersimasumi

-Nipilersornermut/videoliornermut suliaqarfittut sapaatip akunnerani ullormi aalajangersimasumi

-Inuusuttunut cafétut: Spariunikoq siunertanut taakkununga atugassatut periarfissaasinnaavoq. Ulluinnarnili ingerlanneqarnissaanut inuusuttunullu attaveqartussamik sulisussanik aamma pisariaqartitsisoqassaaq.”

Randi Vestergaard Evaldsensenip aammalu Najukkami Ataatsimiititaliap siunnersuutaanni assigiimmik tunngavilersuutigineqartoq tassaavoq:

- Qinngorput Nuummi illoqarfiup immikkoortuini kisiartaalluni meeqqanut anginernut inuusuttunullu neqerooruteqarfiunngilaq.
- Meeqqat anginerit inuusuttullu najugaqarfimmini ornittagaqarnissaat pisariaqartinneqartoq, ataatsimoorfigisinnaasaminnik pitsaasunillu sammisaqarfigisinnaasaminnik.
- Inuusuttut ullumikkut atuarfiup saavanut, Brugsenip imaluunniit Pisiffiup eqqaanut unnukkat katersuuttarput, annertunerusumik sammisassaqaanngikkaluarlutik.
- Kissaatigineqarpoq ornittagaq tassaassasoq meeqqanit inuusuttuniillu aasakkut ukiukkullu atorneqarsinnaassasoq, taamaasillutik inuusuttut peqqinnartunik soqutigisaqarniassammata, aammalu pilersitsisinaanernik, inuttut attaveqarnissaminnut timikkullu eqeersimaartuuniassammata.

Qinnqutsinni inuusuttunut klubbimik pilersitsinikkut inuusuttut sunngiffimmi sammisassaqaalissapput inersimasunik aqutsisulerlutik, taamaasillutillu aqqusinerni piffissaq annikinnerusoq atorsinnaalissallugu.

Aaqqiissutissatut siunnersuut – suliatigut naliliineq

Nuummi inuusuttunut klubbit tallimaasut Meeqqanut Atuarfeqarnermullu Ingerlatsivimmit oqaatigineqarpoq. Illoqarfiup qeqqani pingasut Nuussuarmilu marluk. Inuusuttunut klubbit tamarmik, NUIF eqqaassanngikkaanni, unnukkat atuareernerup kingorna ornittakkat inaanni pisarput. Qinnqutsinni inuusuttunut klubbimik pilersitsineq aningaasartuutaangaatsiassaaq taamaattoqassappallu 2021-mut missingersuusiornermut atatillugu eqqartorneqaqqaartussaavoq.

Meeqqanut Atuarfeqarnermullu Ingerlatsiviup siunnersuutigivaa, Miniklubbimi inini sunngiffimmi sammisassaqaartitsivimmik ammaasoqassasoq, taamaasillunilu kommune ininik inuusuttunut klubbiliornissamut aningaasaliinissamut aningaasartuutissanik sipaaruteqassalluni.

Qinnqutsinni Miniklubbeqarpoq, taannalu sunngiffimmi sammisassaqaartitsivittut atorneqartarpoq, taamaattumillu unnukkat atorneqarneq ajorluni.

Sermersuumi Inuusuttunut klubbit agguataagaapput juniorklubbinut meeqqanut 9-niit 13-inut ukiulinnut aammalu seniorklubbinut inuusuttunut 14-it 21-illu akornanni ukiulinnut. Meeqqanut Atuarfeqarnermullu Ingerlatsiviup siunnersuutigaa, inuusuttunut klubbi aamma juniorklubbimik inissaqartitsissasoq. Imaappoq, Miniklubbip initaani inuusuttunut 9-niit 21-nut ukiulinnut sunngiffimmi neqerooruteqartitsisoqassasoq.

Miniklubbi inuusuttunut klubbit, junior- aamma seniorklubbit atorneqassappat, ammasarfiit sivitsorneqassappat, inuusuttunut klubbit ammasarfii assigalugit. Inuusuttunut klubbit ammasarfii aammalu ullut ammaffigisartagaat agguaqatigiissillugu sapaatip akunneranut akunnerni 32-ini ammasarput. Ammasarfiit sivitsorneqassappata sulisut amerlineqarnissaannik kinguneqassaaq. Siunnersuutigineqarpoq, suliaq 2021-mut missingersuusiornissamut atatillugu isumaqatiginninniarnissamut periarfissanut ilanngunneqassasoq.

Aningaasatigut sulisoqarnikkullu naliliinerit

Sunngiffimmi sammisassaqaartitsiviit meeqqanut 15-inut 1-mik sulisoqartinneqarput. Meeqqanut Atuarfeqarnermullu Ingerlatsivik isumaqarpoq Qinnqutsinni meeqqat inuusuttullu tamarmik

neqeroorummik atuinaviangitsut, taamaattumik sulisunik nutaamik amerlassusissaliineq eqqoriaanerinnaavoq, sumiiffinni allani inuusuttut sammisassaqaqtitsiviini qassit atuisartuunersut isigissagaanni.

Eqqoriaanikkut nalilerneqarpoq, siunnersuut naapertorlugu sulisut 10-nik amerlineqassasut, tassami inuusuttut, inuusuttut klubbiinik atuisartuusut agguaqatigiissillugu 150-iusarmata. Inuusuttut klubbiini sulisunik amerlassusiliineq imatut isikkoqarpoq 1:15, tamannalu sulisut 10-nik ilaneqarnissaannik inerneqarpoq.

Klubbinii sulisut qaammammusiaqartinneqartarput, ilinniarsimasuugaangata, taavalu ilinniarsimasuunngikkaangata akunnermusiaqartitaasarlutik. Sulisut amerlanerit akunnermusiaqartitaasarput, taamaattumik aningaasartuutit ilanissaannik eqqoriaaneq naatsorsorneqarpoq klubbimi aqutsisoq 1 aammalu sulisut ilinniarsimasut 2 kiisalu sulisut ilinniarsimanngitsut 7-t. Sulisut sapaatip akunneranut 40 tiimit sulisartussatut atorfeqaqtitaapput.

Sulisut ilaneqarnissaannut aningaasartuuteqarnerulernissap saniatigut, inuusuttunut pequtinik pisinissamut immikkut aningaasartuuteqarnissaq ilanngunneqassaaq kiisalu imermut/kiassarnermut innaallagissamullu aningaasartuutissat ilanngunneqassallutik.

Taamatut aningaasartuuteqarnerulernissaq imatut naatsorsorneqarpoq

Ukiumut aningaasarsianut	2.700.000 kr.
Ukiumut ingerlatsinermi aningaasartuutit	600.000 kr.
Pilersitsinermi aningaasartuutit ataasiaannartumik	500.000 kr.
Ukioq siulleq aningaasartuutissat	3.800.000 kr.
Ukiuni missingersuusiorfiusuni aningaasartuutissat	3.300.000 kr.

Inatsisitigut tunngavissaq allakkallu tunngaviusumik uppernarsaatitallit

Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr. 5, 6. juni 2016-imeersaq

Ingerlariaqqinnissaq

Meeqqanut Atuarfeqaqarnermullu Ingerlatsiviup tamanna 2021-mut missingersuusiornissamut isumaqatiginninniarnermut ilanngutissavaa.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq, inassuteqaatigineqarmat suliaq 2021-imut missingersuusiornissamut atatillugu oqaluuserisassanngortinneqassasoq.

Innuttaasunik peqataatitsineq/Attaveqaqatigiinneq
Soqanngilaq

Ingerlatsivinnit allaniit oqaaseqaatit
Soqanngilaq

Ilanngussat

1. Nuummi Najukkami Ataatsimiititaliap saaffiginnissutaa

Punkt 05C: Sunngiffimmi atuartitsineq 2019 – 2020

Beslutning

Inassuteqaat akuerineqarpoq.

Bilag

Bilag Oversigt over alle hold.docx

Sunngiffimmi atuartitsineq 2019 – 2020

Meeqqanut inersimasunullu

Ilisimatitsissut

J.nr.: 55:03

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Kulturikkut ingerlatsineq sunngiffimmi sammissaqartitsineq pillugit Inatsisartut peqqussutaat naapertorlugu Meeqqanut Atuarfeqarnermullu ingerlatsiviup matumuuna saqqummiuppa, kommune tamakkerlugu meeqqanut inersimasunullu sunngiffimmi atuartitsinerit pilersaarut pillugu ilisimatitsissut.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- Sunngiffimmi atuartitsineq akuersissutigineqassasoq
- Sunngiffimmi atuartitsinerit tunngasoq Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut akuersissutigisassatut ingerlateqqinneqassasoq

Suliassamik saqqummiussineq

Meeqqanut inersimasunullu sunngiffimmi atuartitsinerit ulloq oktobarip 14-iat 2019 aallartinneqassapput, ingerlanneqassallutillu aprili 2020 tungaanut. Sunngiffimmi atuartitsinerit naggataarnersiorlugit arfininngornermi saqqummersitsisoqarumaarpoq.

Neqeroorutit tamarmik Speedadmin-ikkut takuneqarsinnaapput, ilanngunnissamik nittartagaq. Aammattaaq Sermersuup nittartagaatigut iserfissaq nassaarineqarsinnaavoq, soorlu aamma nipilersornermi ilinniartuup aasaaneranilu sammisassaqaartitsinerit assigiinngitsut takuneqarsinnaasut.

Nuup avataaniittut illoqarfinni nunaqarfinnilu allagarsiivikkut nivinngaanikkut aamma takuneqarsinnaallutik.

Tasiilami sunngiffimmi periarfissanik naliliinermi paasinarsivoq isummanik periaatsinillu suut ilinniartitsissutigineqarsinnaaneriniq saqqummiisoqarnissaanik amigaaqartoqartoq. Saqqummiineq pissaaq novemberimi, perorsaanermik siunnersorti angalanissaa aallaavigalugu.

Ittoqqortoormiini immikkoortortap aqutsisua quppersakkamik isummanik aallerfiusinnaasumik ujartuivoq, taannalu allanneqareerpoq, ilinniartitsisunullu piffimmi takutinneqassalluni, neriulluta amerlanerit soqutiginnissasut sunngiffimmi suliaqarnissamat.

Ilanngussani qulequttat ilanngunneqarsimasunut innersuussilluni oqaatigineqarsinnaavoq, makkununga neqerooruteqartoqarumaartoq:

- Paamiut meeqqanut holdit 4 – inersimasunut holdit 2
- Arsusuk meeqqanut holdit 0 – inersimasunut holdit 0
- Tasiilaaq meeqqanut holdit 1 - inersimasunut holdit 3
- Kulusuk meeqqanut holdit 4
- Tiniteqilaaq meeqqanut holdit 4

- Ittoqqortoormiit meeqqanut holdit 1 – inersimasunut holdit 1
- Nuuk meeqqanut holdit 13 - inersimasunut holdit 12
- Qeqertarsuatsiaat meeqqanut holdit 0 - inersimasunut holdit 0
- Kapisillit meeqqanut holdit 2 – inersimasunut holdit 2

Aaqqiissutissatut siunnersuut – suliatigut naliliineq

Sunngiffimmi atuartitsissutigineqarsinnaasunik suli allanik ingerlatsivik periarfissarsiullattaassaaq.

Aningaasaqarnikkut sulisoqarnikkullu naliliinerit

Sunngiffimmi atuartitsisarnerit immikkut kontoqarput konto 404050502 kiisalu 404050503.

Ingerlatsiviup missingersuutit eqqortinneqarnissaat qulakkiissavaa.

Inatsisitigut tunngavissaq allakkallu tunngaviusumik uppersaatitallit

Kulturikkut ingerlatsineq sunngiffimmilu sammisaqartitsineq pillugit Inatsisartut peqqussutaat nr 5, 6 maj 2016-imeersoq.

Naalakkersuisooqatigiinnissamik isumaqatigiisummi 2017-2021 iliuuserisassat MA43 -

Sunngiffimmi neqeroorutit akeqanngitsut ineriartortinneqassapput

Ingerlariaqqinnissaq

Oktobarip tungaanut amerlanerusunik atuartitsisussarsiorneq suli ingerlavoq. Sunngiffimmi neqeroorutit sap.ak. 39-imi tamanut saqqummiunneqassapput. Sapaatip-akunnerini 39-mi aamma 40-mi innuttaasut peqataaniarlutik sullissivik aqqutigalugu nalunaarnissamut periarfissaqarput. Sunngiffimmi sammisassaqartitsineq sapaatip-akunnera 42-mi aallartissaaq aprilimilu 2019-imi naassalluni..

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit allanik oqaaseqaatissaqartoqanngilaq.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allanit oqaaseqaatit

Soqanngilaq

Ilanngussaq

1. Holdit tamakkerlutik allattorsimaffiat

Punkt 05D: Meeqqanut Atuarfeqarnermullu Ataatsimiititap angalaneranit nalunaarusiaq

Beslutning

Inassuteqaat akuerineqarpoq.

Meeqqanut Atuarfeqarnermullu Ataatsimiititap angalaneranit nalunaarusiaq

Tasiilaq 16.oktoberimiit – 19.oktoberimut

Aalajangiiffigisassaq

J.nr.: 01.02

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Meeqqanut Atuarfeqarnermullu Ataatsimiititap 2019-imi oktobarip qiteqqunnerani Tasiilamut aappassaannik angalavoq. Ataatsimiititap Tasiilamut angalanera Meeqqanut Atuarfeqarnermullu Ataatsimiititap susassaqarfiani suliffeqarfiit suliniutaallu assigiinngitsut inissisimasut paasisaqarfiginerunissaanik siunertaqarpoq. Angalaneq pillugu nalunaarusiaq angalanermut pisussanik aamma angalanerup nalaani ataasiakkaanut pulaarnernik kiisalu angalanerup nalaani ataatsimiissimanernik paasisanik naggasiuteqartumik imaqqarpoq.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- angalanermit nalunaarusiaq akuersissutigineqassasoq
 - angalanermit nalunaarusiaq inaarutaasumik akuersissutigisassanngorlugu
- Aningaasaqarnermut Inuussutissarsiornermullu Ataatsimiititamut ingerlateqqinneqassasoq

Suliassamik saqqummiussineq

Meeqqanut Atuarfeqarnermullu Ataatsimiititap 2019-imi oktobarip qaammataata qiteqqunnerani Tasiilamut angalavoq. Ataatsimiititap Tasiilamut angalanera Meeqqanut Atuarfeqarnermullu Ataatsimiititap susassaqarfiani suliffeqarfiit suliniutaallu assigiinngitsut inissisimasut paasisaqarfiginerunissaanik siunertaqarpoq. Angalaneq pillugu nalunaarusiaq angalanermut pisussanik aamma angalanerup nalaani ataasiakkaanut pulaarnernik kiisalu angalanerup nalaani ataatsimiissimanernik paasisanik naggasiuteqartumik imaqqarpoq.

Meeqqanut Atuarfeqarnermullu Ataatsimiititamit peqataapput Michael Rosing (siulittaasoq, Uju Petersen (ilaasortaq), Thiiioq Knudsen (ilaasortaq) aamma Henrik Rachlev (ilaasortaq).

Pulaakkat tassaapput:

- Kuummiit atuarfiat Kuummiini Alivarp
- Meeqqarivik meeraaqqeriviutigisoq Pingajeqqad
- Tasiilap atuarfia Tasiilami Alivarp
- Skolehjemmet

Suliffeqarfiit assigiinngitsut pulaarnerisa saniatigut Ataatsimiititap Kuummiini innuttaasunut ataatsimiititsivoq kiisalu nunaqarfinni aqutsisunut ilaasortaq Otto Umerinermik ataatsimeeqateqarpoq.

Aaqqiissutissatut siunnersuut – suliatigut naliliineq

Soqanngilaq

Aningaasatigut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppermarsaatitallit
Ataatsimiititap suleriaasia

Ingerlariaqqinnissaq

Meeqqanut Atuarfeqarnermullu Ataatsimiititap angalanerminnit paasisatik ataatsimiititami suleriaqqinnerminni atussavaat.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Ilanngussat

1. Meeqqanut Atuarfeqarnermullu Ataatsimiititap 2019-imi Tasiilamut angalaneranit nalunaarusiaq.

Punkt 6: Taasariaqartut allat

Beslutning

Uju Petersen (IA): 2019-imi Timersortatunut kajumissaassiinissamut peqataasinnaagama nuannaarutigeqaara.

Michael Rosing (D): Alaska USA-mut ataatsimiititap angalanissaanik sulissuteqartoqassaaq, - aamma Suliffeqarnermut Isumaginninnermut Ataatsimiititaq ataatsimut angalaqatigiinnissamut soqutiginnippa.

Thiiooq Knudsen (S): Ataatsimiititap ukiup tulliani angalanissaanut Qeqertarsuatsiaat tikinnissaa kissaatigaa

Punkt 7: Suliaq matoqqasq

Punkt 07A: Lukket

Punkt 8: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15.33